

'Tiada kompromi dengan petualang negara'

KUALA LUMPUR – Polis Diraja Malaysia (PDRM) dan Angkatan Tentera Malaysia (ATM) berusaha mengekang kemasukan pendatang asing tanpa izin (PATI) di seluruh negara.

Ketua Polis Negara, Tan Sri Abdul Hamid Bador berkata, siasatan terperinci telah dilakukan ke atas setiap tangkapan PATI sebelum ini.

"Insya-ALLAH, lebih ramai lagi

akan ditangkap di negeri lain. Aktiviti sindiket itu terang-terangan mengancam keselamatan negara," katanya ketika dihubungi *Sinar Harian* semalam.

Dalam kenyataan Abdul Hamid sebelum ini, pihaknya mengesan terdapat beberapa anggotanya dipercayai terlibat dalam kegiatan sindiket penyeludupan migran.

Abdul Hamid memaklumkan perka-

ra tersebut dikesan hasil maklumat dan risikan pihaknya di mana terdapat dalam kalangan anggotanya menjadi petualang bagi mendapat habuan wang dengan membantu sindiket terbabit.

Beliau menegaskan PDRM sama sekali tidak akan berkompromi dengan isu itu dan tindakan tegas akan diambil bukan sahaja dalam isu penyeludupan PATI tetapi di bawah undang-undang jenayah kerana melakukan penyelewengan.

Sementara itu, Panglima Angkatan Tentera, Tan Sri Affendi Buang menegaskan, ATM tidak akan berkompromi dengan pegawai dan anggota yang terbabit dalam apa jua kegiatan jenayah.

"Ketegasan ini adalah penting kerana ia mencemarkan imej ATM sebagai pasukan keselamatan yang bertanggungjawab dalam memastikan kedaulatan dan kesejahteraan negara sentiasa terpelihara.

"ATM menyerahkan sepenuhnya kes berkenaan kepada pihak berkuasa untuk

tindakan lanjut agar mereka yang terlibat dengan sindiket penyeludupan PATI ditangani keseluruhan," kata beliau.

Menurut Affendi, penahanan kesemua individu terlibat menunjukkan keberkesanan



AFFENDI



ABDUL HAMID

Operasi Benteng di bawah pengawasan Majlis Keselamatan Negara (MKN).

Sebelum ini, hampir 1,000 PATI dan tekong haram ditahan sejak 1 Mei hingga 14 Jun lalu selepas dikesan cuba menyeludup ke Malaysia.

Tangkapan tersebut adalah hasil Operasi Benteng yang dilaksanakan empat agensi penguatkuasaan secara bersepadu bagi mengekang jenayah rentas sempadan serta menyekat penularan wabak Covid-19.

Operasi Benteng memabitkan ATM, PDRM, Agensi Penguatkuasaan Maritim Malaysia (APMM) dan Agensi Keselamatan Sempadan Malaysia (AKSEM), yang mengawal ketat sempadan negara secara bersepadu daripada dibolosi PATI.

JADUAL WAKTU SOLAT

	SUBUH	SYURUK	ZUHR	ASAR	MAGHRIB	ISYAK
PERLIS	5:49	7:06	1:22	4:49	7:36	8:53
ALOR SETAR	5:49	7:04	1:22	4:48	7:36	8:52
PULAU PINANG	5:52	7:06	1:22	4:49	7:34	8:51
IPOH	5:52	7:03	1:20	4:46	7:31	8:47
KOTA BHARU	5:39	6:59	1:15	4:41	7:28	8:40
KUALA TERENGGANU	5:41	6:56	1:11	4:37	7:23	8:39
KUANTAN	5:45	7:01	1:12	4:38	7:20	8:35
KUALA LUMPUR - PUTRAJAYA	5:52	7:05	1:17	4:43	7:26	8:42
SHAH ALAM	5:52	7:05	1:17	4:43	7:26	8:42
SEREMBAN	5:50	7:06	1:16	4:41	7:23	8:38
BANDAR MELAKA	5:51	7:05	1:15	4:41	7:22	8:37
JOHOR BAHRU	5:45	7:00	1:09	4:34	7:14	8:30

Sumber daripada portal www.e-solat.gov.my